

Tarikh Dibaca: 04 September 2015

KHUTBAH JUMAAT

Tajuk:

***“AL-MAISIR ATAU JUDI; PENCETUS
PERMUSUHAN DAN PEROSAK AKIDAH***

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2012-2015

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. Tuan Haji Ahmad Zaki Bin Arsad (Timbalan Pengerusi)**
Timbalan Pengarah Jabatan Agama Islam Selangor
- 3. SS. Dato' Haji Abdul Majid Bin Omar (Ahli)**
Timbalan Mufti, Jabatan Mufti Negeri Selangor
- 4. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 5. Yg. Berbahagia Prof. Madya Dr. Osman Bin Sabran (Ahli)**
- 6. Tuan Haji Sianid Bin Mokim (Ahli)**
- 7. Tuan Haji Hamid Bin Md Isa (Ahli)**
- 8. Tuan Haji Md. Sahari Bin Abdullah (Ahli)**
- 9. Tuan Haji Abdul Halem Hapiz Bin Salihin (Ahli)**
- 10. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 11. Ustaz Indera Shahril Bin Mohd Shahid (Ahli)**
Majlis Agama Islam Selangor
- 12. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“AL-MAISIR ATAU JUDI; PENCETUS PERMUSUHAN DAN PEROSAK AKIDAH”

الْحَمْدُ لِلَّهِ الْقَائِلُ: يَسْأَلُونَكَ عَنِ الْخَمْرِ وَالْمَيْسِرِ قُلْ فِيهِمَا إِثْمٌ كَبِيرٌ وَمَنْفَعٌ لِلنَّاسِ وَإِثْمُهُمَا أَكْبَرُ مِنْ نَفْعِهِمَا...

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَتَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.



Sidang Jumaat yang dirahmati Allah,

Marilah kita tingkatkan ketakwaan kita kehadiran Allah SWT dengan penuh keyakinan dan keikhlasan, melakukan segala suruhan-Nya dan meninggalkan segala larangan-Nya. Mudah-mudahan kita menjadi insan yang bertakwa dan beriman serta selamat di dunia dan di akhirat.

Memang tidak dinafikan, setiap yang hidup di dunia ini inginkan kehidupan yang selesa dan mempunyai kewangan yang kukuh. Maka untuk memperoleh kehidupan yang selesa, baik dan kukuh, Islam menggalakkan umatnya mencari nafkah yang halal untuk mendapat keredaan Allah SWT.

Insya-Allah khutbah pada hari ini akan menyedarkan kita bahawa "**AL MAISIR ATAU JUDI; PENCETUS PERMUSUHAN DAN PEROSAK AKIDAH**".

Muslimin yang mulia,

Allah SWT berfirman dalam surah al-Maidah ayat 91;

إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ
وَالْبَغْضَاءَ فِي الْخَمْرِ وَالْمَيْسِرِ وَيَصُدَّكُمْ عَنْ ذِكْرِ اللَّهِ وَعَنِ
الصَّلَاةِ فَهَلْ أَنْتُمْ مُنْتَهُونَ

"Sesungguhnya Syaitan itu hanyalah bermaksud mahu menimbulkan permusuhan dan kebencian di antara kamu lantaran arak dan judi itu, serta mahu memalingkan kamu daripada mengingat Allah dan daripada



mengerjakan solat. Oleh itu, berhentilah (daripada melakukan perkara-perkara yang keji dan kotor itu)”.

Ayat ini menerangkan mengenai khamar (arak) dan al-maisir. Melalui keduanya syaitan mengambil peluang mencetuskan permusuhan dan kebencian di kalangan manusia, setelah Allah menyatukan mereka melalui iman dan persaudaraan. Dengan kesibukan berjudi, syaitan juga dapat memalingkan hati manusia, daripada mengingati Allah SWT, sehingga akhirnya tidak memperoleh apa-apa kebaikan di dunia dan di akhirat.

Islam melarang semua bentuk urus niaga di mana keuntungan kewangan diperoleh hanya berdasarkan nasib atau spekulasi dan bukannya dengan usaha gigih untuk mendapatkannya. Para ulama’ telah sepakat bahawa haramnya pelbagai bentuk dan jenis al-Maisir berdasarkan firman Allah SWT dalam surah al-Baqarah ayat 219 yang dibaca pada pembukaan khutbah ini. Setiap permainan yang menguntungkan satu pihak dan merugikan pihak lain, maka ia termasuk ke dalam al-Maisir yang diharamkan.

Al-Maisir (judi) ini tidak semestinya dengan bermain daun terup, poker, permainan slot kuda, nombor ekor dan sebagainya. Setiap perkara yang ada wang pertaruhan atau mempertaruhkan apa-apa benda adalah dikira sebagai judi. Walaupun sukan bola sepak, badminton, golf dan sebagainya jika mengandungi unsur taruhan (harta atau material) kepada semua pihak, di mana pihak yang menang berhak mengambil (merampas) harta atau material daripada pihak yang kalah, maka ia dikatakan al-Maisir. Perbuatan ini dilarang keras oleh Allah SWT sebagaimana firman-Nya dalam surah al-Baqarah ayat 188:



وَلَا تَأْكُلُوا أَمْوَالَكُمْ بَيْنَكُمْ بِالْبَاطِلِ...

"Dan janganlah kamu makan (atau mengambil) harta (orang lain) di antara kamu dengan jalan yang batil (yang salah menurut syarak)...".

Muslimin yang dirahmati Allah SWT,

Judi siber yang begitu popular pada hari ini adalah permainan yang melibatkan pertaruhan wang secara haram menerusi internet. Setiap orang yang terlibat dengan perjudian ini perlu membayar nisbah pertaruhan yang ditetapkan dan pihak yang kalah hendaklah menyerahkan wang taruhannya kepada pihak yang menang.

Permainan ini hukumnya haram kerana mendapatkan wang dengan cara yang salah dan zalim. Hasil daripada sumber yang haram akan menjadikan hidup hilang keberkatannya bahkan sentiasa dalam kemurkaan Allah SWT malah dijanjikan dengan azab yang amat pedih di akhirat kelak.

Permainan atau aktiviti yang terkeluar daripada hukum judi adalah yang tiada unsur-unsur pertaruhan daripada para pemainnya.

Sidang Jumaat yang dirahmati Allah,

Sebagaimana kebiasaannya apabila seseorang kaki judi itu kalah, mereka mudah terdorong melakukan perkara yang dilarang oleh syarak bagi mendapatkan wang atau modal untuk berjudi walaupun terpaksa mencuri, peras ugut, rasuah dan menipu. Akibatnya institusi kekeluargaan akan menjadi kucar kacir dan musnah. Tanggungjawab dan amanah mereka terhadap isteri dan anak-anak terabai. Nafkah zahir tidak mampu diberi kerana segala harta dan wang ringgit telah dihabiskan dalam perjudian.



Malah ada yang sanggup meminjam daripada *ah long* untuk mendapatkan wang segera asalkan dapat berjudi bagi memenuhi impian menjadi kaya yang tidak pernah menjadi realiti.

Sedarkah kita? Bahawa inilah perangkap judi siber yang telah berjaya meruntuhkan institusi kekeluargaan dan merosakkan jati diri umat Islam hari ini. Ia menjadi bukti bahawa musuh Islam sentiasa berusaha menggunakan apa sahaja cara untuk menyesat dan melemahkan umat Islam termasuklah dalam bentuk permainan dan hiburan. Melalui perjudian ini, musuh-musuh Islam mengaut keuntungan, sementara umat Islam pula menjadi mangsa dan menanggung kerugian. Betapa ramai dikalangan umat Islam di negara ini yang telah menjadi bankrap sehingga mewujudkan golongan gelandangan akibat terperangkap dalam aktiviti judi siber masa kini.

Apa yang amat mendukacitakan kita ialah, laporan menunjukkan bahawa sebahagian besar pelanggan tetap kafe-kafe siber yang terlibat dalam aktiviti perjudian atas talian ini adalah dalam kalangan orang-orang Islam sendiri termasuk golongan profesional, kanak-kanak sekolah, para remaja dan golongan dewasa.

Sesungguhnya, Islam telah meletakkan satu asas, bahawa pencarian rezeki itu hendaklah daripada punca dan daya usaha yang betul-betul halal dan bersih. Sekiranya seseorang bapa itu berjudi, sudah tentu hasil pendapatannya adalah haram. Bagaimana jika hasil kemenangan daripada berjudi itu dibelikan makanan untuk ahli keluarganya. Maka, samalah dengan dia menyuapkan batu-batu daripada api neraka ke dalam mulut anak isterinya. Sanggupkah kita melakukan demikian kepada keluarga kita?

Hadis daripada Jabir Bin Abdullah RA bahawa Nabi SAW bersabda;



لَا يَدْخُلُ الْجَنَّةَ لَحْمٌ نَبَتَ مِنْ سُحْتٍ، النَّارُ
أَوْلَىٰ بِهِ

"Tidak masuk syurga orang yang daging tubuh badannya tumbuh daripada bahan makanan yang haram, maka api nerakalah yang layak baginya".

(Riwayat Ahmad).

Sesungguhnya tabiat berjudi juga boleh merosakkan akidah. Apabila mereka terlibat dengan unsur-unsur pemujaan bagi mendapatkan nombor ekor. Kegiatan memuja kubur, pokok besar, keris hikmah, dan tangkal azimat boleh membawa syirik kepada Allah. Terdapat juga peminat nombor ekor yang menemui bomoh untuk mendapatkan nombor bertuah. Bomoh tersebut akan menggunakan sihir dan tipu daya bagi memenuhi hajat pemohon dengan memuja atau melalui amalan "menurun". Perbuatan seperti ini boleh menyebabkan seseorang itu terkeluar daripada Islam. Nauzubillahiminzalik.

Muslimin yang dirahmati Allah,

Punca berlakunya judi adalah disebabkan lemahnya iman seseorang itu, kurang jati diri, kecejukan akal fikiran dan bersikap sambil lewa terhadap hukum hakam yang disyariatkan oleh Allah SWT.

Oleh itu, langkah yang boleh diambil dalam menghindarkan diri daripada terjerumus dengan kegiatan judi ini, antaranya ialah mengukuhkan keimanan. Iman adalah salah satu kekuatan yang dapat melindungi manusia daripada melakukan perkara-perkara mungkar dan menjamin kesejahteraan keluarga. Setiap individu muslim hendaklah memiliki pengetahuan agama



Islam dan menghayatinya agar tidak tergelincir daripada ajaran dan akidah Islam. Berlakunya kemungkaran dan pelbagai gejala sosial hari ini antaranya adalah disebabkan oleh pudarnya semangat umat Islam untuk menegakkan dan melaksanakan amar makruf di antara sesama mereka.

Muslimin yang dirahmati Allah,

Kita semua bertanggungjawab, dalam membanteras segala bentuk perjudian yang berlaku. Tidak wajar kita melepaskan bebanan ini kepada pihak berkuasa dan agensi yang berkaitan sahaja. Malah setiap individu, masyarakat, ibu bapa, guru-guru atau pendidik, perlu peka dalam masalah ini melalui perkara berikut :

Pertama: Setiap orang Islam mestilah memahami bahawa amalan berjudi perlulah dibanteras kerana ia boleh mencetuskan permusuhan, meruntuhkan institusi kekeluargaan, masyarakat dan ancaman kepada negara.

Kedua: Setiap individu muslim wajib memainkan peranan dan bekerjasama dalam membanteras segala bentuk perjudian di semua peringkat.

Ketiga: Umat Islam perlu menyedari betapa pentingnya ilmu, amal dan iman dalam melayari kehidupan untuk memastikan mereka tidak terjerumus kedalam kemungkaran dan maksiat.



أَعُوذُ بِاللَّهِ مِنَ الشَّيْطَانِ الرَّجِيمِ
يَا أَيُّهَا الَّذِينَ ءَامَنُوا إِنَّمَا الْخَمْرُ وَالْمَيْسِرُ وَالْأَنْصَابُ
وَالْأَزْلَمُ رِجْسٌ مِّنْ عَمَلِ الشَّيْطَانِ فَاجْتَنِبُوهُ لَعَلَّكُمْ
تُفْلِحُونَ ﴿٩٠﴾

"Wahai orang-orang yang beriman! Sesungguhnya arak, judi, pemujaan berhala dan bertenung nasib dengan anak-anak panah adalah perkara keji yang termasuk sebagai perbuatan syaitan. Oleh itu, hendaklah kamu menjauhinya agar kamu berjaya".

(Surah al-Maidah : 90).



بَارَكَ اللهُ لِيْ وَلَكُمْ بِاِقْرَانِ الْعَظِيْمِ،
وَنَفَعَنِيْ وَاِيَّاكُمْ بِمَا فِيْهِ مِنَ الْآيَاتِ وَالذِّكْرِ
الْحَكِيْمِ وَتَقَبَّلْ مِنِّيْ وَمِنْكُمْ تِلَاوَتَهُ، اِنَّهُ هُوَ
السَّمِيْعُ الْعَلِيْمُ.

أَقُوْلُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ
وَلَكُمْ وَلِسَائِرِ الْمُسْلِمِيْنَ وَالْمُسْلِمَاتِ،
فَاسْتَغْفِرُوْهُ اِنَّهُ هُوَ الْغَفُوْرُ الرَّحِيْمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ
فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama islam. Sebaliknya seluruh umat islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ
صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ
سَمِيعٌ قَرِيبٌ مُجِيبُ الدَّعَوَاتِ يَا قَاضِيَ
الْحَاجَاتِ. اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ
الْأَمِينِ، وَنَسْأَلُكَ بِأَسْمَائِكَ الْحُسْنَى وَصِفَاتِكَ
الْعُظْمَى أَنْ تَحْفَظَ بَعَيْنَ عِنَايَتِكَ الرَّبَّانِيَّةِ وَبِحِفْظِ
وَقَايَتِكَ الصَّمَدَانِيَّةِ، جَلَالَةَ مَلِكِنَا الْمُعْظَمِ سُلْطَانَ



سَلَاغُور، سُلْطَانُ شَرَفُ الدِّينِ ادریس شاه
الحاج ابن المرحوم سُلْطَانُ صَلَاحُ الدِّينِ عبد
العزیز شاه الحاج. اَللّٰهُمَّ اَدِمِ الْعَوْنَ وَالْهُدَايَةَ
وَالْتَّوْفِيقَ، وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ
سَلَاغُور، تَعَكَوْ اَمِيرِ شَاهِ ابْنِ السُّلْطَانِ شَرَفِ
الدِّينِ ادریس شاه الحاج فِيْ اَمْنٍ وَصَلَاحٍ وَعَافِيَةٍ
بِمَنَّكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلِ
عُمَرَهُمَا مُصْلِحِيْنَ لِلْمُوْظَفِيْنَ وَالرَّعِيَّةِ وَالْبِلَادِ،
وَبَلِّغْ مَقَاصِدَهُمَا لِطَرِيْقِ الْهُدٰى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki



kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman yang difatwakan sesat.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orang-orang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor (TAPIS) dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي



الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يُعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُواهُ عَلَىٰ
نِعْمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.